



Sjå adresseliste

Dato: 02.05.2016
Vår ref.: 2014/13889-41
Saksbehandlar: lisadla
Dykkar ref.:

Svar på søknad om tilskot til punktutbetring og trygg skuleveg

Fylkestinget sette i desember 2015 av 31,3 mill. kr. til punktutbetring og trygg skuleveg. Totalsummen på 31,3 mill kr vart todelt, - der størsteparten av midlane (21 mill kr) vart sett av til konkrete tiltak utført på fylkesvegnettet av Statens vegvesen, medan ein tredjepart (10 mill kr) av midlane vart gjort søkbare for kommunane med søknadsfrist 1. april 2016. Fylkestrafikksikringsutvalet (FTU) fekk ansvaret for denne tilskotsordninga.

Innan fristen 1. april 2016 kom det inn 26 søknader fordelt på 17 kommunar. Søknadssummen var på 24,0 mill. kr.

Fylkestrafikksikringsutvalet i Hordaland (FTU) handsama på sitt møte den 27. april 2016 sak PS 15/2016 *Tilskot til punktutbetring og trygg skuleveg – 10 mill kr.* Det vart gjort slikt vedtak:

Vedtak

1. FTU ser positivt på at ein har fått inn så mange gode søknader, og ber fylkesrådmannen arbeide vidare med dei tiltaka som ikkje fikk tilsegn i tida som kjem.
2. FTU ber om at det vert gjort ei evaluering av tilskotsordninga.
3. FTU gjev tilsegn til følgjande søknader:

Nr.	Kommune/pri.	Namn på tiltaket	Omtale av tiltaket	Innstilling
1	ASKØY	Storeklubben X Stongafjellet	Dårleg kobling mlm fv fortau/gangveg og kv. Kryssing for fotgjengere er for skrå og lang over kv. Skuleveg.	600 000
2	AUSTRHEIM	Utbetring for mjuke trafikantar ved Tresvik- og Fønneskrysset	Oppgradering av kryss. Fortau, busslommer.	1 263 750
3	BØMLO 1	Tiltak a, b, c, og d på same fylkesveg - FV 23	Veglys, kantstopp, siktutbetring.	250 000
4	ETNE 2	Punktutbetring FV 34 Ebne	Rekkverk på bru og støpekantar langs vegen.	350 000
5	FUSA 1	Utbetring sving på Tombre, FV 48	Utbetring av sving. 60 meter. Feil tverrfall. Utbetring og ny asfalt.	400 000
6	KVAM 1	Oppgradering av kryss og gangfelt langs Fv 7/Nedre Vik-vegen i Øystese sentrum	Utbetre kryssing for skuleborn. Manglar overgang og ønskje om meir lys.	228 750

7	KVINNHERRAD 2	Langgåta X Husnes Industriområde	33 veglys.	1 700 000
8	LINDÅS	Punktutbetring langs skuleveg FV 402 Seim mot Feste	Bergnabb, rekkverk, utviding av sving, sikt, fjerne vegetasjon.	2 000 000
9	RADØY	Hordabø skule - idrettsbana - veglys	Veglys mellom skule og idrettsplass	378 000
10	VAKSDAL	Punktutbetringar FV 343 til E16 til Norgesmøllene/Felleskjøpet - trygg skuleveg	Ulike ts-tiltak.	1 000 000
11	VOSS	Utbetring av busslomme ved Gjernes skule	Utbetring av busslomme.	1 296 792
12	ØYGARDEN	Flytting av busshaldeplass på FV 561 - Toftøy	Flytting av busshaldeplass.	600 000
	OPPSUMMERT			10 067 292

Møteprotokoll og saksframlegg til sak PS 15/2016 finn ein her:

<http://einnsyn.hfk.no/einnsyn/Dmb/DmbMeetingDetail?meetingId=477>

Om kriteria sett til tiltaka og prosessen vidare

Intensjonen bak midlane er punktutbetring og trygg skuleveg, og dette er ein føresetnad ved tildeling av midlane. Dei aller fleste tiltaka omhandlar utbetring av busslommer, rekkverk, fortau, gangfelt, vegljøs og siktutbetring.

Følgjande krav var sett til tiltaket søknadsutlysinga:

- Tiltaket må skje på fylkesvegnettet.
- Tiltaket må ferdigstillast i løpet av 2016.
- Tiltaket må omfatte punktutbetring og/eller trygg skuleveg.
- Ferdig planlagte prosjekt vil verte prioritert.
- Kommunen er ansvarleg for gjennomføringa. Dette må skje i nært samarbeid med Statens vegvesen.
- Tiltaket må vere forankra hjå ordførar, kommunestyret eller i den kommunale trafikksikringsplanen.
- Tilskotssummen vil maks kunne vere på 2 mill. kr.

Fylkesrådmannen minner kommunane om kriteria som er sett til midlane, og ikkje minst at det er kommunane sjølv som er byggherre, og med det er ansvarleg for at dei aktuelle tiltaka vert gjennomført som omsøkt. Kommunane er og ansvarleg for kostnadane.

Ettersom tiltaka er på fylkesveg er det svært viktig at kommunane så snart som råd tek kontakt med Statens vegvesen for nærare avklaringar vedkommande utføringa. Det er viktig med ein god dialog mellom kommunen og Statens vegvesen gjennom heile prosessen.

Tilskotssummen vil verte utbetalt når tiltaket er ferdigstilt. Fylkeskommunen vil utarbeide eit enkelt rapporteringsskjema som kommunane skal nytte til dette.

John Martin Jacobsen
leiar

Lise Fauskanger Ådlandsvik
rådgjevar

Brevet er godkjent elektronisk og har derfor inga underskrift.

Adresseliste:

Askøy kommune
Austevoll kommune
Austrheim kommune
Bømlo kommune
Etne kommune
Fusa kommune
Kvam herad
Kvinnherad kommune
Lindås kommune
Os kommune
Radøy kommune
Sund kommune
Ullensvang kommune
Ulvik herad
Vaksdal kommune
Voss kommune
Øygarden kommune